



**Miracvla Quæ Ad Invocationem Beatiss. Virginis Mariae,
Apvd Tvngros, Camberones, Et Servios In Hannonia; ac
Dominam Gaudiorum in Picardia vulgò Nostre Dame de
Liesse dictam effulsere**

Caoult, Walrand

Coloniae Agrippinae, 1607

Homo quidam beatæ virginis ope à suspendio stupendè liberatur.

[urn:nbn:de:hbz:466:1-59700](https://nbn-resolving.org/urn:nbn:de:hbz:466:1-59700)



MIRACVLA
 QVAEDAM STVPENDA
 QVAE AD BEATAE MARIAB
 EXHILARATRICIS IN-
 uocationem contige-
 runt.

HOMO QUIDAM B. VIRGINIS
*ope à suspendio stupendè libe-
 ratur.*

MIRAC. I.



ANNO salutis 1139. homo
 quidam planè inops rerum
 (cui nomen Petrus Fourci-
 us) tum vitæ propriæ, tū fa-
 milia suæ sustentandæ ne-
 cessarium, cum neminè re-
 periret qui eius opera uti vellet, cuius exerci-
 tio lucrum aliquod faciens in sudore vultus
 sui vesceretur pane suo, tandem necessitate
 compulsus vicinorum bona furto auferre
 didicit, viam modumque non ignorans se
 in eorum pensile intromittendi, ci-
 dem

demque se subtiliter ingerendi, in quo magna frumenti suberat copia: Eorum autem quidam animadvertentes frumenti cumulū plurimum eis in dies imminui, hominem vero inopem qui antea magnis vitæ angustiis premebatur tunc satis fortunatè & comitodè vivere, id prædictos vicinos permouit ut de eo sinistras cogitationes conciperent, tandemque etiam apud eosdem in magnam furti suspicionem venit: quamobrem adeò diligenter eū hinc inde obseruarunt, ut eundem in flagranti facinore tandem deprehenderint, deprehensumque egregiè fustibus exceperint ac captiuum in custodiam abduxerint. Eò miseriarum miser miserè redactus, ad B. Mariæ Exhilaratricis opem confugit, sæpius eius adiutricem manum ex toto cordis medullitio implorans Exinde à Prætoꝛe super eā re interrogatus, absque vllō veritatis fucato velamine liberè in quo deliquerat confessus est: vnde & morti est adiudicatus. Ad locum autem patibularem perductus, denuò ad Virginem Dei Matrem, miserorumque aduocatam piè recurrit, deprecans eius meritis & precibus eum, vita incoluini, à morte præseruari. Finitis precibus per carnificem laqueo suspensus est, & ita quidē ut omnes eū iā mortui credētes à loco patibulari recederent, miserum scilicet hominem relinquentes in patibulo penden-

rem, non (ut purabatur) exanimem, sed lucis huius vsura diuinius fruentem. Tribus diebus post, quodam pastore ouium iuxta patibulum iter faciente miserum hunc hominem conuenerentem audiuit, cur eam tam diu iustitiæ ministri ibidem suspensum sinerent: ad instantiam autem miseri hominis misericordia motus, subito se ad vrbis Præfectum contulit, grande spectaculum quod viderat eidem denunciaturus. In via autem cum esset occurrerunt illi qui dicti hominis suspendium procurauerant, sibi que persuadens illos esse quosdam iustitiæ ministros, eisdem significauit miserum quendam hominem à tribus diebus pensilem ad furcam hæere, qui cum adhuc viueret, sibi in totum vitam citò adimicupiebat potius quàm cum diuturna mortem sic collectari ac languescere permitterent. Isti in admirationem rapti rei tam nouæ & insolitæ, sine mora ad patibuli locum conuolant, sealam arripiunt, illamque conscendunt, alta petunt, ensesque in miserum è vagina educunt, sicque eundem iterum iterumque & sæpius confodiunt, & per violētas manus suas violentam ipsi mortem inferrent, quod tamen minimè præstare potuerunt. Opilio tam atrox immanèque facinus non sine animi amaritudine ac miserimi hominis commiseratione oculis conspiciens, ad vrbis Præfectum velocè accurrit, totam rei seriem enu-

tunc

tumque tristem fideliter ei relaturus: qui confestim in viam se dedit, quod factum fuerat explorandi gratia: Sed, ô prodigium maximè stupendū, namq; duos hosce vicinos pedibus ita scalæ colligatos & affixos comperit, vt ab alto per descensum terrā repetere nequirent. Horrendum hoc spectaculum videns Præfectus, ex misero inquisiuit causam cur mori nō posset, & quisnam contra mortis furibundos insultus sic eum saluum & incolumem conseruasset. Cui miser homo respondit id B. Mariæ Exhilaratricis meritis consecutum, cui seipsum deuouerat peregrinum. Quam ob causam Præfectus lata sententia decreuit ac etiam præcepit duobus vicinis vt miserum à suspendij laqueo liberarent, simulque eodem condemnauit vt eundem proprijs sumptibus sanandum curarent, & quæ ad vitæ suæ suorumque sustentationem necessaria forent, ei per totam vitam præberent. Vbi verò in integrum restitutus est homo, ad B. Mariæ Exhilaratricis ædiculam venit peregrinus, ei ingentes acturus gratias, cuius precibus fuerat à morte præseruatus.